

فيديو # ١٥٦ من مقاطع حظر التجول تدبر سورة الهمزة

فاضل سليمان

يفقهوا قولي السلام عليكم ورحمة الله وبركاته. اهلا بحضراتكم في المقطع رقم ستمية واحد وخمسين من مقاطع حظر التجول وحلقة تدبر سورة الهمزة. ارجو من حضراتكم تجميعوا المصاحف وتفتحوا معي سورة الهمزة - [00:00:00](#)

سورة الهمزة الصورة مكية نزلت في النصف الاول من المرحلة المكية في اول خمس سنين كده اسماؤها اول اسم. سورة الهمزة وهو الاسم الاشهر والمستخدم في المصاحف وسورة ويل لكل همزة لمزة. اللي هي الاية الاولى كلها - [00:00:24](#)

وده اسم استخدمه الامام الطبري وسورة ويل لكل همزة استخدموا البخاري وسماها الفيروز ابادي سورة الحطمة دي الاسماء اللي يعني وردت عدد اياتها تسع ايات بلا خلاف بين اه علماء العدد في هذا ونقراها مع بعض - [00:00:47](#)

اعوذ بالله السميع العليم من الشيطان الرجيم بسم الله الرحمن الرحيم. ويل لكل همزة لمزة الذي جمع ما له وعدده يحسب ان ما له اخذه كلا لا ينبذن في الحطمة - [00:01:12](#)

وما ادراك ما الحطمة نار الله الموقدة التي تطلع على الافئدة انها عليهم مؤصدة في عمد ممددة لو تتفكروا احنا في سورة العصر تدبرنا قول الله تعالى اللي معناه ان كل الانسان فيه خسر. ما عدا اللي بيعمله اربع حاجات - [00:01:43](#)

والعصر ان الانسان لفي خسر. يعني كل الناس في خسر. الانسان يعني جنس الانسان نفسه. مش انسان معين والعصر ان الانسان لفي خسر الا الذين امنوا وعملوا الصالحات. وتواصوا بالحق وتواصوا بالصبر - [00:02:26](#)

تمام في سورة الهمزة ربنا بيورينا اتنين من خصال الخاسرين. ما احنا قلنا كل الناس في خسر الا اللي بيعملوا الاربع حاجات دول امنوا وعملوا الصالحات وتواصوا بالحق وتواصوا بالصبر - [00:02:46](#)

طب الناس الخسرانة بقى اللي ما بتعملش الاربع حاجات دول ربنا بيورينا في سورة الهمزة اتنين من خصالهم اللي بيعمله الناس دي بيعملوا عكس الذين امنوا وعملوا الصالحات بالزبط فرجع بنا ثاني الصورة بترجع بنا ثاني للناس اللي ايه اللي خفت موازينها - [00:03:01](#)

في سورة القارة الناس اللي قالها التكاثر واما من خفت موازينه فامه هاوية اللي هم الناس اللي قالها هم التكاثر في سورة التكاثر. شف ارتباط السور الخمسة ببعض. الهاكم التكاثر حتى زرتم المقابر. هم هم - [00:03:23](#)

خفت موازينه فامه وهوية في القارة هم هم اللي هو الانسان اللي فيه خسر في سورة العصر النهاردة بقى هنتكلم على دول الهاكم التكاثر حتى زرتم المقابر يعني قعد طول عمره - [00:03:45](#)

ملهي في الفلوس يعد في فلوس ملهي في جمع الفلوس في سورة الهمزة ربنا سيبين لنا ازاى الفلوس ضيعته لان مش فقط المسألة مسألة انه انسان انشغل بعد الفلوس واتلهى عن العبادة والفرائض فهضيع الله. ده الفلوس كمان - [00:04:07](#)

مممكن تخرب الانسان عقائديا وهنشوف الكلام ده ازاى افتح معي بقى صورة اقرا معي اول اربع ايات ويل لكل همزة لمزة الذي جمع مالا وعدده يحسب ان ما له اخذه - [00:04:30](#)

كلا لينبذن في الحطمة خدت بالك اللي هو الذي جمع مالا وعددا يحسب ان ما له اخذ. هنا دخلنا على طول في اعتقادات ويل ويل لفظ وعيد كلمة وعيد ربنا بيتوعد ناس معينة - [00:04:58](#)

لو شخص قوي وعنده سلطة قال لواحد من الشعب يا ويلك يا ويلك مني مسلا الشخص ده ممكن يموت من الرعب او مال لما ربنا بقى يتوعد انسان ويقول له يا ويلك - [00:05:22](#)

يبقى ايه؟ يبقى يا ويل وسواد ليله ويل لكل همزة لمزة. ربنا بيتوعد الانسان اللي بيهمز وبيلمز ومازال والو مزة فيها مبالغة. يعني

بيعمل هذا الامر كثير بيهمز كثير فبقى اسمه همزة - [00:05:39](#)

بيلمز كثير فبقى اسمه لمزة. يعني بقت من صفاته. يقول لك فلان ضحكة ضحكة يعني انسان كثير الضحك فلان ده لعنة. يعني كثير

اللعن طول ما هو قاعد عمال يلعن فلان ويلعن فلان ويلعن فلان - [00:06:00](#)

غمزة كثير الهمز. لمزة كثير اللمز. طب ايه هو الهمز واللمز الهمز والاستهزاء بشخص بالاشارة بالوجه يا اما بالعين بالفم يا اما آ

باللسان كده يا اما بالشدقين يعني ايه يلعب خدوده كده - [00:06:17](#)

واحد دخل الغرفة مسلا ماشي؟ او خرج منها يبقى واحد يبص للباقيين ويعمل حركات بوشه ماشي؟ تقليل من قدر الشخص اللي لسة

قايم او اللي لسة داخل وده عادة بيبقى في ظهره - [00:06:45](#)

ده عادة بيدخل ضمن الغيبة يعني. لانه بيبقى في ظهر الانسان من غير ما يلاحز. حتى لو هو دخل الاوضة بس من غير ما يلاحز.

واحد بيقوم عامل حركات بوشه ايه؟ فيها يعني آ استهزاء بالشخص ده - [00:07:00](#)

اللمز هو المواجهة بالعيب. يعني ايه واحد يعاير واحد بانه بعيب فيه ممكن انه فقير او انه يعني زوقه غير زوق الناس بتاعة المدينة

مسلا اللي هم فيها فلاح شوية يعني في ريكس زوق وفلاحي يعني الحاجات دي يعني - [00:07:15](#)

فيغير انسان بنقص او بضعف او باختلاف موجود فيه يقال ان الاية دي نزلت في الوليد ابن المغيرة لانه كان بيغتاب النبي عليه الصلاة

والسلام ويقال انها نزلت في امية بن خلف. ويقال انها نزلت في الاخنس بن شرير - [00:07:41](#)

طب هي نزلت في مين يا جماعة هي الان مش بتتكلم عن واحد بس ده الاية بتتكلم عن كل شخص بيعمل كده ويل لكل همزة اللوز.

فهي نازلة في الوليد ابن المغيرة ونازلة في الاخنس ابن شريق. ونازلة - [00:07:58](#)

فلل في امية ابن خلف. ونازلة في كل واحد على مر التاريخ بيعمل كده الاية بتتكلم عن كل شخص بيهمز وهلمس الصفة دي للاسف

موجودة في مسلمين كثير صفة ذميمة - [00:08:14](#)

لا تليق بالمسلم اللي هي ربنا زكرها على انها من صفات الكافرين عشان احنا نتكسف على دما اننا يبقى فينا صفة زي دي المسلم لازم

يكون متميز اخلاقيا. مش بس عقائدي بيعتقد في عقيدة التوحيد. طب ويبدأ اخلاقه زي اخلاق الناس الثانية؟ لأ - [00:08:30](#)

المسلم لازم كده يبقى كعبة يحج اليها الناس ببيرق كده في النضافة ببيرق في الاخلاق ببيرق في كل حاجة المسلم الفاسد اخلاقيا او

عنده عيوب زي دي بيصبح فتنة. على فكرة الاخرين. يقول لك اتفضل - [00:08:52](#)

مش الراجل ده المفروض انه راجل متدين. بص بيعمل ايه وبوشه. بص الحركات اللي بيعملها. بص بيعاير فلان ازاى ونصبح احنا فتنة

للاخرين كمل معي. الذي جمع ما لو وعدده - [00:09:10](#)

يحسب ان ماله اخله المال مش مشكلته بس انه بيلهي عن العبادة والعمل الصالح الملمع الوقت بيصيب الانسان بالاستكبار فيفسد

معتقدات الانسان. الانسان الغني يظن نفسه عايش للابد مش متوقع الموت ابدًا - [00:09:26](#)

مش متوقع ان حياته ممكن تنتهي في اي لحزة يحسب ان ما له اخله المال بيغطي الانسان. لدرجة انه بيخدع نفسه لان نزرته لنفسه

بتبقى غير صحيحة. ان هو حاسس انه عايش على طول. يعني مسلا تلاقي مسلا صاحب الجنتين - [00:09:51](#)

ودخل جنته وهو ظالم لنفسه. الناس اللي كانت معنا في سورة الكهف فاكرين الراجل صاحب الجنتين ودخل جنته وهو ظالم لنفسه

مخدوع في نفسه قال ما اظن ان تبعد هذه ابدًا. لا يمكن ثروته - [00:10:15](#)

ويبقى فقير وما اظن الساعة قائمة. وما اظن ان فيه حاجة اسمها بعث وحساب ولئن رددت الى ربي لاجدن خيرا منها منقلبا. ولو

طلع افتراضا يعني ان في فعلا بعث وحساب - [00:10:36](#)

هلاقي ثروة اكبر من الثروة بتاعتي دي هتبقى في الآخرة بتاعتي برضو ليه قلنا؟ قلنا هو نظرتة لنفسه وصل لمرحلة من خداع نفسه

انه اعتقد شبهه ده تغير المعتقد اعتقد ان الغنى جزء بيكون شخصيته. فلو ربنا يريد انه بيعته عشان يحاسبه لازم بيعته غني -

[00:10:55](#)

يا اما يبقى هو مش هو. يعني للدرجة دي بيظن يعني لو انا بعثت بس مش غني يبقى انا مش انا يعني ربنا لو يريد انه بيعتني لازم بيعتني اغني زي ما انا - [00:11:20](#)

ولئن رددت الى ربي لاجدن خيرا منها منقلبا. مش قادر يتخيل نفسه فقير تعالوا نرجع بقى للاية اتنين الذي جمع مالا وعدده الانسان اللي خفت موازينه لانه الهاه التكاثر الكاميرا بتعمل زوم ان عليه دلوقتي وهو عمال بيعد الفلوس. الذي جمع مالا وعدده - [00:11:31](#) وقعد يعد ويرص الرزم المتينات مع بعض والميات مع بعض والخمسينات مع بعض عمال يعد ما عندوش عشرينات. هو عنده الفئات الكبيرة عمال يعد ويستمتع بالارقام. يحسب ان ما له اخلد - [00:11:59](#)

بيحضن فلوسه كده ويشعر انه لن يموت بسبب فلوسه. انتم عشان تبقوا عارفين مليارديرات العالم في اخر ست سبع سنوات اسسوا شركات علشان تعمل على اكتشاف مستحضرات للخلود حاجة اسمها لون جيفيتي - [00:12:19](#)

صح يا دكتور احمد دكتور احمد جلال معي اهو وعاملين اهو بقى لنا اربعة ايام بتندبر مع بعض ولقينا انه جيف بيزوس اللي هو بتاع امازون اللي هو الثاني اغنى واحد في العالم - [00:12:41](#)

عمل شركة اسمها التوس لابز علشان تكتشف مستحضرات للون جيفيتي. لون جيفيتي يعني الخلود ان الانسان يعيش للأبد اصحاب جوجل عملوا عملوا شركة اسمها كاليكولايز برضو بتعمل في مجال ابحاث اللون جيفيتي. الخلود وصلوا للمرحلة دي - [00:12:56](#)

بعد ما عملوا كده جات الكورونا وسبحانك يا رب هناك بقى معنى اخر لكمان جمع مالا وعدده انا اللي اقصد بصوا يا جماعة انا

الكورونا ما باقولش ان انا عقاب من ربنا. خالص نهائي - [00:13:20](#)

اللي يقول ان الكورونا دي عقاب من ربنا يبقى بجد بيقلل من قدر عقاب ربنا. احنا شفنا عقاب ربنا بيبقى ازاى؟ بيستأصل بيمسح لكنها رسالة من ربنا رسالة من ربنا للانسان اللي يظن نفسه اصبح اله هذا الكوكب وانه متحكم فيه - [00:13:39](#)

لأنت مش متحكم في حاجة انت ما زلت محتاجني الرسالة من ربنا قوية جدا الحقيقة. حتى النهاردة الاومي كرون دوا اعراضه

خفيفة نسب الوفيات قليلة جدا يبدو والله اعلم قد يصبح هو الفاكسين الالهي - [00:13:58](#)

يعني وكمان لما ربنا بقى بيفكس بقى ويبلق ربع مليون في كل بلد كل يوم. يعني احنا هنا الحالات عندنا فوق المتين الف بقى لها عشر تيام في فرنسا ربع مليون تقريبا كل يوم. اذا لما ربنا بيدي بقى التلقيح بيلقح كله. ما حدش يقول لا هاروح ومش هاروح. فالله

اعلم لكن لكن ربنا - [00:14:20](#)

جد اظهر لنا قدراته في مسألة الكورونا دي بازن الله يعني يعني بس نخلص التدبر ونرجع بقى لازم كده ايه نتكتك الخطاب الاسلامي لازم يتغير تماما على اللي حصل فيه السنتين تلاتة اللي - [00:14:40](#)

نرجع بقى نرجع للموضوع ثاني يلا الذي جمع مالا وعدده لها معنى اخر انه جمع المال وبذكاء ما خلاش ما له كله في شكل واحد بل

عده يعني ما تخلقوش في عملة واحدة - [00:14:54](#)

شوية دولار وشوية يورو وشوية استرليه شوية ذهب شوية اراضي شوية مزارع شوية عمارات بيععدوا وبينوع المال وده مش عيب دلوقتي بالعكس ده يعتبر زكاء علشان لو قيمة حاجة نزلت الحاجات الثانية تشيلها - [00:15:14](#)

لكن ورود مسألة تعدد اشكال المال. ركز بقى معي في الحجة دي تعدد اشكال المال بعد ويل لكل همزة اللمزة يشعرك ان معزم الغمز

واللمز كان في مسألة الفقر في مسألة مستوى الملابس والشيكة والامور المادية. اذا المسألة طبقية اصلا - [00:15:31](#)

احنا طبق وهم طبق ويل لكل همزة اللمزة. ممكن يكون في اي حاجة. الذي جمع مالا وعدده. عنده عمارات وعنده فلوس وعنده ويختو

وعنده بتاع اذا لما هيهمز وهيلمز هيهمز ويلمز في ايه - [00:15:58](#)

ركزوا بقى يحسب ان ما له اخلد ومش هيرجع ويتحاسب على الغمز واللمز بتاعه؟ كلا لينبذن في الحطمة شفتهم بقى تسلسل الايات

ده يدي لك معاني اربط الايات ببعض التدبر. اربط الايات ببعض - [00:16:18](#)

كلا للزجر والابطال الهمز واللمز وجمع المال وعده. وتضييع الفرائض والعبادات. كل ده باطل. كلا بتبطل اللي فات. يعني بتقول اللي

فات ده باطل يعني تصف ما فات بالباطل بالباطل - [00:16:36](#)

والزجر يعني لابد الانسان ينتهي عن هذه الاشياء يبطل الكلام ده الذي يريد ان ينجو يوم القيامة؟ يتوقف عن هذا والا لينبذن في الحطمة اللام دي اسمها لام القسم يعني اصلها والله لا ينبذن في الحطمة - [00:16:57](#)

لا ينبذن في الحطمة قسم كان عاوز ايه ؟ خل بالك بقى كان عاوز الذي جمع مالا وعداء يحسب ان ما له اخلد. هو كان فاكر نفسه هيخلد في الدنيا ومش هيموت - [00:17:18](#)

عقابه انه هينبذ يعني سيترك الحطمة قصا انه كان عايز يخلد في الدنيا لأ ده هو مش ده هو هيترك الدنيا وفي الاخرة بقى سينبذ في حطمة يعني سيهمل في النار او الحطمة. حطمة اسم من اسماء جهنم - [00:17:36](#)

لأنها تحطم وتدمر اي شيء شديدة التحطيم زي ما قلنا همزة لمزة شديد الهمز شديد اللمز ضحكة شديد الضحك او كثير الضحك. حطم شديدة التحطيم. لينبذن في الحطمة. ليه ؟ لانه كان هم - [00:18:02](#)

شف التعبير ده اهي دي دي تعبيرات خاصة بصورة الهمزة ولن تتكرر في القرآن كله ده الكلام اللي بيقله اخونا مسلم اللي معظمكم بطل يتفرج عليه اللي بيشرح كتاب من اروع ما كتب في القرن اللي فات ده - [00:18:25](#)

اللي هو كتاب المعجزة مقاتل مقاتل ده تلميذ ابن عباس بيقول هي تحطم العظام وتأكل اللحوم حتى تهجم على القلوب. خلوا بالكم الانسان اللي بيهمز ويلمز ده نوع من انواع التنمر - [00:18:44](#)

ما هو ماسك حد عمال يتريق عليه وعلى لبسه وعلى ده شيء بيدمر الشخص اللي بيتنمر به اللي هو فرق تامر يعني بلطجة. انا ما اعرفش كلمة التنمر دي جابوها منين. هي بلطجة - [00:19:05](#)

البلطجة دي الانسان اللي بيتنمر السخرية منه عشان فقير او عشان ملاسه مش فخمة او عشان زوقه بالشيك او جزمته مقطوعة ده بيكسر الانسان ده بيكسر نفسيته وبيكسر قلبه. بيشعره بالدونية انه اقل من غيره - [00:19:20](#)

هذا الكسر ربنا هيعاقب عليه البلطجي المتنمر اللي همزة للمزة بايه؟ بانه ينزل في الحطمة. فيتحطم هو ايضا كما حطم الاخرين عقابه ان يتحطم وما ادراك ما الحطم نار الله الموقدة - [00:19:39](#)

التي تطلع على الافئدة انها عليهم مؤصدة في عمد ممددة وما ادراك ما الحطمة مين يقدر يقول لك عن مين يقدر يشرح لك الحكم؟ ايه هي الحكمة دي؟ مش يعني ازاى تعرف الحطمة على حقيقتها وتدرکها - [00:20:03](#)

حاجة فوق الخيال ايه الحطمة؟ وكل حاجة ربنا قال عليها وما ادراك ادراه بعدها؟ شرحها بعدها كل ما قال عنه وما يدريك لم يدريه وما ادراك ما الحطمة! هم. قل لنا يا رب - [00:20:29](#)

نار الله الموقدة ربنا اضاف النار لنفسه نار الله للتعظيم والتهويل دي مش نار عادية ورد في الحديث الضعيف ان النبي صلى الله عليه وسلم قال او قد عليها الف سنة حتى احمرت - [00:20:44](#)

ثم الف سنة حتى ابيضت ثم الف سنة حتى اسودت فهي الان سوداء مظلمة لو صح هذا الحديث اذا هي نار مشتعلة الى درجة لم تصل اليها اي نار في الدنيا - [00:21:07](#)

والدليل على كده ان ربنا وصفها بايه نار الله الموقدة لذاته نار الله عادية موقدة يعني مولعة. الله! هو فيه نار مش مولعة هو في حاجة اسمها مرمط في مسلا ؟ اه - [00:21:25](#)

نار الدنيا اللي انتم شافينها دي اللي بتحرق بيوت وتتحرق مش عارف ايه وبتاع. دي اذا قورنت بنار الاخرة تبقى مش موقدة ودي نار مطفية دي. اللي عندكم في دنيا دي ولا حاجة - [00:21:43](#)

ده لعب عيال عايز تشوف النار بجد بقى النار الموقدة؟ النار الاخرة ربنا يعافينا واياكم فالنار دي تبقى باردة اذا قويا مسلا ربنا قال ايه؟ في سورة القارة وما ادراك ما هي - [00:21:56](#)

نار حامية هو فيه نار مش حامية؟ ايوة. نار الدنيا بالنسبة للنار الاخرة ولا حامية ولا حاجة شفتوها ازاى؟ طيب يبقى نار الله الموقدة دينار غير اي نار التي تطلع على الافئدة - [00:22:12](#)

النار دي مطلعة على قلوب الناس ازاى بقى التي تطلع على الافئدة هي القلوب فيها ايه فيها النوايا النوايا ما حدش يعرفها غير

صاحبها في الدنيا طيب ليه النار مطلعة على النوايا؟ - [00:22:37](#)

ايه قيمة انها تكون مطلعة على النوايا بتاعة قلوب الناس؟ هي النار دي احنا بنتكلم عنها بتحرق مين الاية الاولى ويل لكل همزة لمزة.

طيب ممكن واحدة تلمز جارتها وتنمر عليها وتقول لها ها هتيجي لنا بكرة بقى بالشبشب ابو وردة بتاعك - [00:23:08](#)

وتقوموا ضاحكة والسنتات كلهم ضاحكين. وده يكسر قلب الست اللي تم التنمر عليها فالمرأة اللي همزت ولمزت لو هتدخل الحطمة

هتقول ايه؟ انا ما عملتش حاجة انا ما قلتش يعني انا ما قلتش حاجة غلط. هي فعلا عندها شبشب ووردة. ايه يعني - [00:23:31](#)

ما كانش في نيتي اجرحتها. ما كانش في نيتي اني باتريق عليها. ما كانش حد يسبت بقى مين هيسبت النية دي الحطمة مطلع عليها

نار الله الموقدة التي تطلع على الافئدة - [00:23:48](#)

يا همزة يا لمزة نيتك كانت معروفة ما دخلتش الا لان نيتك مكشوفة النار دي كاشفة للنوايا ومطلعة عليها. وما حدش يعني دي معناها

ان ما حدش هيتظلم ما حدش هيعاقب بالغلط - [00:24:09](#)

جاي بقى صعب اوي الحقيقة انا والدكتور احمد تعبنا جدا امبارح الحقيقة واحنا انها عليهم مؤصدة في عمل ممددة ركزوا معي كده

النار دي في عمد ممددة يعني هي قلنا انها مولعة - [00:24:28](#)

مش احنا قلنا انها موقدة؟ حلو. نار موقدة مولعة جوة عواميد زي مواسير مواسير ها فالجماعة الهمزة اللمزة دول جوة مواسير والنار

جوة المواسير معهم في منتهى الشدة ومقفولة مبرشمة من الناحيتين انها عليهم مؤصدة. وهم بيولعوا جوة - [00:24:52](#)

مسجونين جوة مواسير رفيعة هم جواها والنار معهم جوة عمالة تحرق فيهم ومقفولة عليهم لناحييتين. انها عليهم مؤصدة في في

عمد ممددة مسجونين جوة المواسير. ليه مسجونين طب ليه مسجونين - [00:25:20](#)

ان ما ينفعش يبقى فيه عذاب في الدنيا مش موجود في الآخرة لان الآخرة نار كاملة. ما فيش عذاب مش موجود فيها

وقلنا قبل كده يعني ايه ليس لهم طعام الا من ضريع هو مين اصلا في النار هيفكر ياكل - [00:25:39](#)

حبيبي دول مش خارجين ياكلوا مش خارجين مع بعض يقعدوا في حطة وياكلوا لأ. دول بياكلوا لانهم حاسين من ضمن العذاب عذاب

الجوع. فهم جعانيين كنوع من العذاب. ويبجوا ياكلوا ياكلوا ضريع لا يسمن يعني مش بيديهم طاقة ولا يغني من جوع ولا يسد الجوع

- [00:25:56](#)

نفس الكلام هنا هناك عذاب في الدنيا اسمه عذاب السجن. موجود برضه انها عليهم مؤصدة. ما فيش حد هيجب يريح شوية فيطلع

ياخد الجيم نفسه برة النار وبعدين يدخل ثاني - [00:26:15](#)

مقصدة مسجون جوة نقرا الصورة بقى ثاني بسم الله الرحمن الرحيم. ويل لكل همزة لمزة الذي جمع مالا وعدده يحسب ان ما له

اخذ كلا لينبذن في الحطمة وما ادراك ما الحطمة - [00:26:25](#)

نار الله الموقدة التي تطلع على الافئدة انها عليهم مؤصدة في عمد ممددة. قبل ما اختتم بقى بالاقى ناس تبعت لي تقول لي ايه ده!

معقول ربنا الرحيم! يعمل كل ده - [00:26:55](#)

هو سانية واحدة هو حضرتك بتنتمري على حد؟ لأ. قال له طب خلاص. يعني انت ليه لما نقول لك مسلا اللي هيسرق يتقطع ايده. لو

سمحت مش معقول كده، انت متضايق ليه وانت حرامي بقى! ما هو دي - [00:27:15](#)

انه انه ليه احيانا بعض الناس بتتعاطف مع المجرم ربنا في كل الايات اللي قال لنا فيها على العذاب الشديد ده هو عذاب لناس ارتكبت

ذنوب في حق الانسان فربنا بيحامي الناس الضعيفة بالكلام ده وبيحامي الناس اللي مش قادرة تحمي نفسها بالكلام لعل ان حد يرتدع -

[00:27:28](#)

واحنا نيجي وربنا بيحميننا من المجرمين والظالمين بانه يقعد بان ربنا بيهددهم بالنار وبالكلام دوا نتعاطف احنا مع المجرمين

والظالمين هذا كلام لا يعقل انا احيانا بحس ان اللي بيشعر بكده كأنه انسان ما عندوش كرامة الحقيقة. لما ربنا باستمرار - [00:27:56](#)

بيحط شرائع لحمايتك من المجرمين وانت عمال تتعاطف مع المجرم عشان هيعاقب بالشكل ده او يعاقب بالشكل ده. كلام الحقيقة

لابد ان احنا نعي الكلام شوية نعي الكلام شوية قبل ما نترك الامر للشيطان يتلاعب بنا وبمشاعرنا ويخلينا - [00:28:16](#)

اه يعني نتجراً على الله احياناً لذلك تم بفضل الله تدبر سورة الهمزة وغدا نتدبر سورة الفيل اللهم انا نسألك حبك وحب من يحبك وحب كل عمل يقربنا الى حبك - [00:28:40](#)

اللهم ما رزقنا ما نحب فاجعله قوة لنا فيما نحب وما زويت عنا مما نحب. فاجعله فراغاً لنا فيما نحب. اللهم اجعل حبك احب الينا من اهلينا واموالنا ومن الماء البارد على الظمأ. اللهم حبنا اليك والى ملائكتك وانبيائك - [00:29:00](#)
رسلك وعبادك الصالحين. واجعلنا ممن يحبك ويحب ملائكتك وانبيائك ورسلك. وعبادك الصالحين اللهم احي قلوبنا بحبك واجعلنا لك كما نحب. اللهم اجعلنا نحبك بكل قلوبنا ونرضيك بكل اجسادنا. اللهم اجعل حبنا كله لك وسعينا كله في مرضاتك. اللهم اجعل القرآن الكريم - [00:29:26](#)

في مراتب قلوبنا ونور صدورنا وجلاء احزاننا وذهاب همومنا وغمومنا ومغفرتنا ذنوبنا اسأل الله العلي العظيم ان يجعل هذا التدبر في ميزان حسناتي وحسناتكم جميعاً اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق كل حرف في كتابك تلوناه او - [00:29:57](#)

دبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من شرورهم. ونجعلك الله وهم في نحورهم فانت الوكيل ولا حول ولا قوة الا بك اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين - [00:30:30](#)

وكن مع اخواننا في تركستان الشرقية وفي كشميرة وفي الشام وفي وفي الهند. وانصر كل من نصرهم واخذل كل من خذلهم مطهر المسجد الأقصى من الدنس فانهم لا يعجزونك اللهم من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او - [00:30:56](#)

ومن علمائنا مريضاً به او حاملاً له فالبسه ثوب الصحة والعافية عاجلاً غير آجل. ومن لم يصب به فقه شر وابعده عنه ولا تسلطه الا على اعدائك واعداً دينك واعداً اوليائك - [00:31:22](#)

اللهم انك تعلم ان هذه القلوب قد اجتمعت على كتابك وعلى محبتك. والتقت يا ربنا على طاعتك وتوحدت على دعوتك وتعاهدت على نصره شريعتك. فوثق اللهم رابطتها. وادم ودها واهدها سبيلها. واملأها بنورك الذي - [00:31:40](#)
واشرح صدورها بفيض الايمان بك. وجميل التوكل عليك. واحيها يا ربنا بمعرفتك. وامتها يا مولانا على الشهادة في سبيلك انك نعم المولى ونعم النصير. والسلام عليكم ورحمة الله وبركاته. ونراكم غدا باذن الله في - [00:32:00](#)
في هذا الموعد ان كنا من اهل الدنيا - [00:32:20](#)